

永樂大典卷之六千七百六十六

十八陽

王

宗室封王三十金元

幽王

金史列傳王宗固本名胡魯天會十五年爲燕京留守封幽王宗雅本名斛魯補封代王宗偉本名阿魯補封虞王宗英本名

斛沙虎封滕王宗懿本名阿那封薛王宗本本名阿魯封原王鶻懶封翼

王宗美本名胡里甲封豐王神土門封鄆王斛孛末封霍王幹烈封恭王

宗哲本名鶻沙封畢王皆天眷元年受封宗順本名阿魯帶天會二年薨

皇統五年贈金紫光祿大夫後封徐王宗磐既誅熙宗使宗固子京往燕

京慰諭宗固既而翼王鶻懶復與行臺左丞相撻懶謀反伏誅詔曰燕京

留守幽王宗固等或謂當絕屬籍朕所不忍宗固等但不得稱皇叔其母

妻封號從而降者審依舊典皇統二年復封宗雅爲代王宗固爲判大宗

正三年爲太保右丞相兼中書令是歲薨海陵在熙宗時見太宗諸子勢

彊而宗磐尤跋扈與鶻懶相繼皆以逆誅心忌之熙宗厚於宗室禮遇不

衰海陵嘗與東德唐括辯私議主上不宜寵遇太宗諸子太甚及篡竊

莫太廟韓王亨素號材武。使攝右將軍。密諭之曰。爾勿以此職爲輕。朕疑太宗諸子太彊。得卿衛左右。可無慮耳。遂與秘書監蕭裕謀去宗本兄弟。太宗子孫於是焉。

盡語在宗本傳中。

原王

金史列傳原王宗本。本名阿魯。皇統九年爲右丞相。兼中書令。進太保。領三省事。海陵篡立。進太傅。領三省事。初宗幹謀誅宗亮。故海陵心忌太宗諸子。熙宗時。海陵私議宗本等勢強。主上不宜優寵。太甚及篡立。猜忌益深。遂與秘書監蕭裕謀殺太宗諸子。誣以秉德出領行臺。與宗本別國會。飲約內外相應。使尚書省令史蕭王告宗本。親謂王言。以汝於我故。舊必無它意。可布腹心事。領省臨行。言彼在外。論說軍民無以外患爲慮。若太傅爲內應。何事不成。又云。長子鎖里虎當大貴。因是不令見主。上宗本又言左丞相於我及我妃處稱主上。近日見之。輒不喜。故心常恐懼。若太傅一日得大位。此心方安。唐括辯謂宗本言。內侍張彥善相。相太傅有天子分。宗本答曰。宗本有兄。東京留守。在宗本何能爲。是時宗美言太傅。正是太宗主家子。祇太傅便合爲北京留守。下臨行與宗本言事。不可遲。宗本與王言大計。只於日近圍場內。予決宗本。因以馬一

匹袍一領與王克表識物。王恐圍場日近身縻於外不能親奏遂以告祕書監蕭裕裕具以聞蕭玉出入宗本家親信如家人海陵既與蕭裕謀殺宗本秉德詔天下恐天下以宗本秉德輩皆懿親大臣本無反狀裕構成其事而蕭玉與宗本厚人所共知使玉上變庶可示信於是使人召宗本等擊鞠海陵先登樓命左衛將軍徒單特思及蕭裕妹婿近侍局副使耶律闌離刺小底密伺宗本及判大宗正事宗美至即殺之宗美本名胡里甲臨死神色不變宗本已死蕭裕使人召蕭玉是日玉送客出城醉酒露髮披衣以車載至裕弟照檢蕭祚家連日暮玉酒醒見軍士圍守之意為人所累得罪故至此以頭觸屋壁號咷曰臣未嘗犯罪老母年七十願哀憐之裕附耳告之曰主上以宗本諸人不可留已誅之矣欲加以反罪今汝主告其事今書汝告款已具上即問汝汝但言宗本輩反如狀勿復異詞恐禍及汝家也裕乃以中服與玉引見海陵海陵問玉王言宗本反具如裕所教海陵遣使殺東京留守宗懿北京留守卞及遷益都尹畢王宗哲平陽尹稟左宣徽使京等家屬分置別所止聽各以奴婢五人自隨既而使人要之於路并其子男無少長皆殺之而中京留守宗雅喜事佛世稱善大王海陵知其無能將存之以奉太宗後召至闕不數日竟殺之太

宗子孫死者七十餘人。太宗後遂絕。下本名可善。本名胡離。改宗宗固。
子本名胡石菴。蕭玉旣如蕭裕。教對海陵。海陵遂以宗本秉德等罪。詔天
下以玉上變實之。海陵使太府監完顏馮六籍。宗本諸家戒之曰。珠玉金
帛入於官。什器吾將分賜諸臣。馮六以此不從。拘籍什器。往往爲人持去。
馮六家童亦取其禮木屏風。少監劉景前爲監丞時。太府監失火。案牘盡
焚。數月方取諸司簿帳補之。監吏坐是稽緩。當得罪。景爲吏倒署年月。
太倉都監焦子忠與景有舊。坐適負久不得調。景爲盡力出之。久之馮六
與景就官中相忿。馮六言景倒署年月及出焦子忠事。御史劾奏。景景
黨誘馮六家奴發盜屏事。馮六自陳於尚書省。海陵使御史大夫趙資福
大理少卿許玘雜治。資福等奏馮六非自盜。又嘗自首。海陵素惡馮六。與
宗室游從。謂宰臣曰。馮六嘗用所盜物。其自首不及此。法盜官中物者死。
諸物已籍入官。與官中物何異。謂馮六曰。太府掌官中財。賄汝當防。制姦
欺而自用盜物。於是馮六棄市。資福玘坐鞠獄不盡決。杖有差。景亦伏受。
焦子忠賂金。海陵曰。受金事無左驗。景倒署年月以免吏罪。是不可恕。遂
殺之。大定二年。追封宗固魯王。宗雅曹王。宗順隋王。宗懿鄭王。宗美衛王。
宗哲韓王。宗本潞王。神土門。幽王。斛李。東瀋王。韓烈。鄂王。胡里改。胡什查。

可喜並贈金吾衛上將軍。惟宗磐阿魯補斛沙虎鶻懶四人，不復加封。

豐王

豐王名宗美，本名胡里甲。太宗子也。天眷元年，受封官。至判大宗正事、海陵時，與原王宗本同被殺。大定二年，追封衛王。詳前傳。

代王

代王名宗雅，本名斛魯補。太宗子也。天眷元年，受封海陵時，爲中京留守。喜事佛，稱善大王。海陵知其無能，將存之以奉太宗。

後召至闕，不數日竟殺之。大定二年，追封曹王。詳前傳。

虞王

虞王名宗偉，本名阿魯補。太宗子也。天眷元年，受封海陵時，被殺。詳前傳。

滕王

滕王名宗英，本名補沙虎。太宗子也。天眷元年，受封海陵時，被殺。詳前傳。

薛王

薛王名宗鑑，本名阿璘。太宗子也。天眷元年，受封官。至東京留守。海陵時，被殺。大定二年，追封鄭王。詳前傳。

翼王

翼王名鶻懶。太宗子也。天眷元年，受封後興行臺左丞相，捷懶謀反，伏誅。詳前傳。

鄴王

鄴王名神土門。太宗子也。天眷元年受封。海陵時被殺。太定二年追封。王詳前傳。

霍王

霍王名斛宇。東太宗子也。天眷元年受封。海陵時被殺。太定二年追封。王詳前傳。

蔡王

蔡王名幹烈。太宗子也。天眷元年受封。海陵時被殺。太定二年追封。王詳前傳。

畢王

畢王名宗哲。本名鶻沙。太宗子也。天眷元年受封。海陵時被殺。太定二年追封。王詳前傳。

徐王

徐王名宗順。本名阿魯帶。太宗子也。天會二年薨。皇統五年。贈金紫。光祿大夫。後封徐王。太定二年追封。隋王詳前傳。

代王

金史列傳。代王元本。名神土滿。母李氏。徒單氏。以爲己子。熙宗初。加光祿大夫。天眷間。爲汴京留守。皇統間。封瀋國公。爲吏部

尚書。進封代王。遼同判。太宗正事九年。拜右丞相。是歲薨。追封鄭王。

魏王

大定二十二年。追降儀同三司。左丞相子。檀奴。元奴。耶補兒。阿里白。金史列傳。魏王道濟。熙宗子也。皇統三年。命爲中京留守。以直學士阿懶。爲都提點。張玄素。爲同提點。左右輔導之。俄封魏王。

封其母爲賢妃。初居外。至是養之宮中。未幾。熙宗怒殺之。

衛王

金史列傳衛王襄。本名永慶。海陵母弟。爲輔國上將軍。卒。天德二年。追封衛王。再贈司徒。大定二十二年。追降銀青光祿大夫。

子和尚封應國公。賜名樂善。左宣徽使許霖之子。知彰與和尚鬪。爭其母妃命家奴摔入凌辱之。使人曳霖至第。毆詈之。明日霖訴于朝。詔大興尹蕭玉左丞良弼權御史大夫張忠輔左司員外郎王全雜治。妃杖一百。殺其家奴爲首者。餘決杖有差。霖嘗跪于妃前。夫大臣體及所訴有妄。皆二十。大定間家奴小僧月一妄言和尚熟寢之次。有異微。襄妃僧醅以爲信。然召日者李端卜之。端云當爲天子。司天張友直亦云當大貴。家奴李添壽上變。僧醅和尚下吏驗問。有狀皆伏誅。上曰朕嘗痛海陵翦滅宗族。今和尚所爲如此。欲貸其罪。則妖妄誤惑愚民者。使以爲真。不可不滅。朕於此子。蓋不得已也。傷聞者久之。

宿王

金史列傳宿王矧。思阿補正隆元年四月生。小底東勝家保。養之。賜東勝錢千萬。仍爲起第五月巳酉。摘月封其母唐括。

氏爲柔妃。賜京師貧者五千人。錢八錢二百二年。荆思阿補生日。海陵與永壽太后及皇后太子光英幸東勝家。三年正月五日。荆思阿補薨。海陵殺太醫副使謝友正。醫者安宗義及其乳母杖東勝一百。除名。明日追封荆思阿補爲宿王。葬大房山。諫議大夫楊伯雄入直禁中。因與同直者相語。伯雄曰。宿王之死。蓋養于官外。供護雖謹。不若父母膝下。豈國家風俗素尚如此。或以此言。吾海陵海陵大怒。謂伯雄曰。爾臣子也。君父所爲。豈得言風俗。官禁中事。豈爾當言。朕或體中不佳。聞不視朝。祇是少得人幾拜耳。而庶事皆奏決便殿。縱有死刑。不卽論決。蓋使囚者得緩其死。至於除授宣勅。雖復稽緩。有何利害。朕每當閒暇。頗閱教坊聲樂。聊以自娛。書云。內作色荒。外作禽荒。酣酒嗜音。峻宇雕牆。有一於此。未或不亡。此戒人君不恤國事。溺於此者耳。如我雖使聲樂喧動。天地宰相。敢有濫與人官而吏敢有受賂者乎。外間敢有竊議者乎。爾諫官也。有可言之事。當公言之。言而不從。朕之非也。而乃私議可乎。伯雄對曰。陛下至德明聖。固無竊議者。愚臣失言。罪當萬死。惟陛下哀憐。海陵曰。本欲殺汝。今祇杖汝二百。既決杖至四十。使近臣傳詔諭伯雄曰。以爾藩邸有舊。今特釋之。

滕王

金史列傳滕王廣陽母南氏本大吳家婢隨元妃大氏入宮海陵幸之及有娠即命為殿真正隆二年九月二十六日生廣陽十月滿月海陵分施在京貧民凡用錢千貫三年二月封南氏為才人七月封廣陽為滕王九月薨。

鎬王

金史列傳鎬王永中本名實魯刺又名萬僧大定元年封許王五年判大興尹七年進封越王十一年進封趙王十三年拜樞

密使十九年子石古乃加光祿大夫是歲改葬明德皇后于坤厚陵永中母元妃張氏陪葬十一月庚申自磐寧宮發引永中以元妃柩先發使執黃纛者前導俄頃皇后柩出磐寧宮顯宗徒跣少府監張僅言呼執黃纛者不應既葬僅言欲奏其事顯宗解之曰是何足校哉或繼人誤耳僅言乃止二十一年改判大宗正事永中不悅顯宗勸之曰宗正之職自親及疎自近及遠此親賢之任也且皇子之貴豈以官職閭閻為計耶永中乃喜二十四年世宗幸上京顯宗居守并留永中顯宗先遣章宗宣宗奉表問起居于上京既而遣永中子光祿大夫石古乃奉表世宗喜謂豫國公主曰皇太子孝德天成先遣二子繼遣此子兄弟之除相友愛如此也二十五年六月世宗在太平山好水川清暑顯宗薨于中都詔曹王永切視

章宗召永中赴行在是歲與章宗及永功等並加開府儀同三司二十六
年復爲樞密使是歲世宗賜諸孫名石古乃曰瑜神土門曰璋阿思邁曰
玘阿離合邁曰璟二十七年祀年十五以上加奉國上將軍章宗即位起
復判西京留守進封漢王與諸弟各賜金五百兩銀五千兩錢二十貫重
幣三百端絹二千匹再賜永中脩公廨錢三百萬特加石古乃銀青榮祿
大夫阿離合邁奉國上將軍明昌二年正月辛酉孝懿皇后崩判真定府
事吳王永成判定武軍節度使隋王永升奔喪後期各罰俸一月杖其長
史五十永中適有寒疾不能至上怒頗解意諸王有輕慢心遣使責永中曰
已近公除亦不須來二月丙戌禪祭永中始至入臨辛卯始克行燒飯禮
壬辰永中及諸王朝辭賜遺留物禮過雖在而嫌忌自此始矣四月進封
井王三年判平陽府事進封鎬王初置王傳府尉官名爲官屬實檢制之
也府尉希望風旨過爲苛細永中自以世宗長子且老矣動有掣制情思
不堪殊鬱鬱乃未乞閑居詔不許四年鄭王永蹈以謀逆誅增置諸王司
馬一員檢察門戶出入巡獵游宴皆有制限家人出入皆有禁防河東提
刑判官犯里海坐私謁永中杖一百解職前近侍局副使裴滿可孫嘗受
永中請託爲石古乃永除官可孫已改同知西京留守猶坐免故尚書右

丞張汝弼永中母舅也汝弼妻高陀幹自大定間畫永中母像奉之甚謹
挾左道爲永中求福希覬非望明昌五年高陀幹坐詛祝誅上疑事在永
中未有以發也會錫王傳尉奏永中第四子阿離合邁因防禁嚴密語涉
不道詔同簽大睦親府事御史中丞孫即康鞠問并求得第二子神徒門
所撰詞曲有不遜語家奴德哥首永中嘗與侍妾瑞雪言我得天下子爲
大王以爾爲妃詔遣官覆按狀同再遣禮部尚書張暉兵部侍郎烏古論
慶裔覆之上謂宰臣曰錫王祇以語言得罪與永蹈罪異衆知政事馬珙
曰永中與永蹈罪狀雖異人臣無將則一也上曰大王何故輒出此言左
丞相清臣曰素有妄想之心也詔以永中罪狀宣示百官雜議五品以下
附奏四品以上入對使殿皆曰請論如律惟官籍監丞盧利用乞貸其死
詔賜永中死神徒門阿離合邁等皆棄市勅有司用國公禮收葬永中平
陽府監護官給葬其妻子威州安置泰和七年詔復永中王爵賜諡曰厲
勅石古乃於威州擇地以禮改葬歲時祭奠貞祐二年詔徙永中妻子石
古乃等鄭州安置貞祐三年大康縣人劉全嘗爲盜亡入衛真界詭稱愛
王所謂愛王指石古乃石古乃實未嘗有王封小人妄以此目之劉全欲
爲亂因假託以惑衆誘王氏女爲妻且言其子方聚兵河北東平人李寧

居嵩山有妖術全同縣人時溫稱寧可論大事乃使范元書偽號召之寧至推爲國師議僭立事覺全溫寧皆伏誅貞祐四年潼關破徙永中子孫于南京興定二年亳州譙縣人孫學究私造妖言云愛王終當奮發今匿跡民間自號劉二衛真百姓王深等皆信以爲誠然有劉二者出而當之遣歐榮輩結構逆黨市兵仗大署旌旗謀僭立事覺誅死者五十二人緣坐者六十餘人永中子孫禁錮自明昌至于正大末幾四十年天興初詔弛禁錮未幾南

京亦不守云

鄭王

金史列傳鄭王永蹈本名銀朮可初名石狗兒大定十一年封滕王末期月進封徐王二十五年加開府儀同三司二十六年

爲大興尹章宗即位判彰德軍節度使進封衛王明昌二年徙封鄭王三年改判定武軍初崔溫郭諫馬太初與永蹈家奴畢慶壽私讒識記災祥畢慶壽以告永蹈郭諫頗能相人永蹈乃召郭諫相已及妻子諫說永蹈曰大王相貌非常王妃及二子皆大貴又曰大王元妃長子不與諸王比也永蹈召崔溫馬太初論識記天象崔溫曰丑年有兵災屬免命者未年春當收兵得位郭諫曰昨見赤氣犯紫微白虹貫月皆注丑後寅前兵戈

僭亂事永蹈深信其說乃陰結內侍鄭雨兒伺上起居以崔溫爲謀主郭諫馬太初往來游說河南統軍使僕散揆尚永蹈妹韓國公主永蹈謀取河南軍以爲助與妹澤國公主長樂謀使駙馬都尉蒲剌觀致書于揆且先請婚以觀其意揆拒不許結婚使者不敢復言不軌事永蹈家奴董壽諫永蹈不聽董壽以語同輩奴千家奴上變是時永蹈在京師詔平章政事完顏守貞參知政事胥持國戶部尚書楊伯通知大興府事尼龐古鑑鞠問連引甚衆久不能決上怒召守貞等問狀右丞相夾谷清臣奏曰事貴速絕以安人心於是賜永蹈及妃卞玉二子按阿辛公主長樂自盡蒲剌觀崔溫郭諫馬太初等皆伏誅僕散揆雖不聞問猶坐除名董壽免死肆監籍千家奴賞錢二千貫特遷五官雜班叙使自是諸王制限防禁密矣泰和七年詔復王封備禮改葬賜謚曰刺

以衛王永濟子按辰爲永蹈後奉其祭祀

越王

金史列傳越王永功本名宋葛又名廣孫貞元二年生沉默寡言笑勇健絕人涉書史好法書名畫大定四年封鄭王七年進

封隋王十一年進封曹王十五年除刑部尚書上曰侍郎張汝霖汝外勇行也可學爲政十七年授活活土世襲猛安十八年改大興尹世宗章金

蓮川始出中都親軍二蒼頭縱馬食民田詔永功蒼頭各杖一百彈壓百戶二人失覺察勒停上次望京浚永功奏曰親軍人止一蒼頭兩彈壓服勤爲日久矣臣昧死違詔量決蒼頭使彈壓待罪可使償其田直惟陛下憐察上皆從之老姬與男婦隨道傍婦與所私相從亡去或告姬曰向見年少婦人自水邊小徑去矣姬告伍長疑是殺其婦也捕送縣不勝楚望見伍長意其捕已即走避之姬與五長疑是殺其婦也捕送縣不勝楚毒遂誣服問尸安在詭曰棄之水中矣求之水中果獲一尸已半腐縣吏以爲是男子真殺若婦矣即具獄上永功疑之曰婦死幾何日而尸遽半腐哉頃之姬得其婦於所私者永功曰是男子偶以殺人就獄其拷掠足以稱殺牛之科矣遂釋之而去武清黃氏望雲王氏豪猾下逮永功發其罪畿內肅然二十三年判東京留守是月改河間府閏月改北京留守居無何上謂宰臣曰朕聞永功到北京爲政無良雖朕子萬一敗露法可廢乎朕已戒勅永功卿等可諭其長吏俾臣正之到北京凡七月改東京留守世宗幸上京過東京永功從明年上還至天平山好水川皇太子薨詔永功護喪事尋拜御史大夫章宗封原王加開府儀同三司趙王永中及永功兄弟皆加開府儀同三司明年判太宗正事應州僧與永功有舊將

訴事于彰國軍節度使移刺胡剌求永功手書與胡剌爲地胡剌得書奏之上謂宰臣曰永功以書囑事胡剌此雖細微不可不懲也凡人小過不治遂至大咎有犯必懲庶幾能改是亦教也皆曰陛下用法無私臣下敢不敢畏於是永功解職未幾復判大宗正事章宗即位除判平陽府事進封冀王永功之官隨引醫人沈思存過制限當解職上曰朕知此事當痛斷監奴及治府掾長史管轄府事者罪仍著于令家奴王唐犯罪至徒永功曲庇之平陽治中高德裔失覺察嘗四亡於是永功改判濟南府詔永功曰所坐雖細事法令不得不如此今已釋矣後母復然濟南先帝舊治風土甚好可應此意也改授山東西路把魯古世襲猛安二年判廣寧府事進封魯王明年判彰德府事承安元年進封郢王明年判太原府事泰和七年改西京留守八年復判平陽府事大安元年進封譙王判中山府事明年進封越王宣宗即位免常參明年從遷汴京久之詔永功每月朔一朝興定四年詔永功無朝五年有疾賜御藥疾革賜尚醫診視一日五遣使候問是歲薨上哭之慟謚曰忠簡子福孫壽孫粘沒曷大定二十六年詔賜福孫名璐壽孫名壽粘沒曷名琳是年璐加奉國上將軍章宗即位加銀青榮祿大夫封蕭國公初爲興陵崇妃養子常居京師奉朝請奉

和五年辛章宗報

朝百官進名奉慰。

潞王

金史列傳潞王永德本名訛出大定二十五年與章宗及諸兄俱加開府儀同三司二十七年封薛王明年除秘書監二十九

年進判秘書監進封藩王明昌元年授山東東路把魯古必剌猛安三年

進封幽王五年遷勸農使承安二年進封潞王承安三年再任勸農使泰

和元年有司劾永德元日進酒後期有詔勿問衛紹王時累遷太子太師

宣宗即位改同判大睦親府事興定五年遷判大睦親府事子幹論賜名琰

豫王

金史列傳豫王永成本名鶴野又曰婁室母昭儀梁氏永成風

學博士王彥潛爲府文學永成師事之十一年進封幽王十五年就外第十

六年判秘書監明年授世襲山東東路把魯古猛安判大睦親府事既而

改中都路胡土孺哥蠻猛安二十年改授翰林學士承旨二十三年判定

武軍節度使事尋改判廣寧府二十五年世宗幸上京命留守中都判吏

部尚書進開府儀同三司爲御史大夫章宗即位起復進封吳判真定府

事明昌元年改山東西路益買必剌猛安明年進封充生率軍民圍獵解

職奉表謝罪上賜手詔曰卿親實肺腑夙著忠純侍願考於春宮曲盡友
予之愛洎冲人之繼統愈明忠赤之心艱難之中多所裨益朕心簡在是
楮莫窮用是起之苦塊之中授以維城之任自典藩服歲月荏苒更冀爾
邦知驥足之難展眇哉鎮府固牛刀之莫施方思驛召以赴朝何意遽罹
於國憲偶因時獵頗擾部民法所不寬憲臺聞上朕尚含容累月未忍即
行雖欲遂於私恩竟莫違於公議解卿前職即乃世封噫祖宗立法非一
人之敢和骨肉至親豈千里而能間以此退閑之小誠欲成終始之洪恩
經云在上不驕高而不危是以知節慎者脩身之本驕矜者敗德之源朕
每自勵今以戒卿昔東平樂善能成不朽之名梁孝奢淫卒致憂疑之悔
前人所行可爲龜鑑卿魚資文武多藝多才履道而行何施不可如能德
業日新無慮牽復之晚朕素不工詞翰臨文草草直寫所懷莫不以辭害
意也未幾授沁南軍節度使三年改判威平府事未赴移判太原府事上
以永成誕日親爲詩以賜有美譽自應輝玉牒忠誠不待啓金縢之語當
世榮之七年改判平陽府事承安改元以覃恩進封豫明年冬進馬八十
疋以資守禦之備上賜詔獎諭曰卿夙有萬望時惟茂親通達古今砥礪
忠義方分憂於外服來輸駁於上聞欲助邊防以增武備惟盡心於體國